



Broj: 11-04-38-7580/12
Sarajevo, 26.03.2012. godine

SKUPŠTINA KANTONA SARAJEVO

n/r Prof.dr. Mirjane Malić, predsjedavajuća Skupštine Kantona Sarajevo

-ovdje-

PREDMET: Odgovor na poslaničko pitanje

Cijenjena,

Zastupnik Fazlija Nedžad na nastavku Dvanaeste Radne sjednice Skupštine Kantona Sarajevo, održane dana 05.03.2012. godine, u okviru tačke Dnevnog reda „Poslanička pitanja, inicijative i odgovori“, u ime roditelja koji koriste usluge JU „Djeca Sarajeva“, je postavio sljedeće poslaničko pitanje:

„Hoće li se umanjivati februarski iznos naknade za boravak djece u vrtićima s obzirom da neki vrtići nisu radili dvadesetak dana zbog proglašenja stanja elementarne nepogode“?

ODGOVOR

U vezi sa postavljenim poslaničkim pitanjem, informiramo Vas sljedeće:

Ministarstvo za obrazovanje, nauku i mlade Kantona Sarajevo je u proteklom periodu takođe zaprimilo zahtjeve roditelja djece koja pohađaju JU „Djeca Sarajeva“ da se za period kada je bilo proglašeno stanje elementarne nepogode, umanjí februarski iznos naknade za boravak djece u vrtićima.

Isto tako, ovo ministarstvo stoji na stanovištu da treba uvažiti ovaj zahtjev roditelja, jer smatramo opravdanim umanjiti februarski iznos naknade za boravak djece u vrtićima, vodeći računa o činjenici da najveći broj djece u periodu od tri sedmice nije pohađao JU „Djeca Sarajeva“, iako je uprava ustanove odmah reagirala adekvatno i roditeljima ponudila dežurne vrtiće u koje su roditelji mogli dovesti svoju djecu.

S tim u vezi, Ministarstvo je obavijestilo JU „Djeca Sarajeva“ o potrebi korekcije naknade za februar 2012. godine, te Vam u prilogu dostavljamo dopis upućen JU „Djeca Sarajeva“ u vezi sa navedenom predmetnom problematikom.

U narednom periodu očekujemo dostavljanje odluke Upravnog odbora JU „Djeca Sarajeva“ u vezi sa ovim pitanjem, o čemu će roditelji biti blagovremeno informirani.

S poštovanjem,

MINISTAR

Prof. dr. Fahrudin Oručević

Prilog: Dopis Ministarstva broj: 11-04-38-sl. od 07.03.2012. godine



Broj: 11-04-38-sl./12
Sarajevo, 07.03.2012. godine

JU „DJECA SARAJEVA“
n/r Kalajdžić Edite, Predsjednica upravnog odbora
Sarajevo, La benevolencije 4

PREDMET: Odgovor na Informaciju o stavu Upravnog odbora zauzetom na 3. sjednici, održanoj 27.02.2012. godine u vezi sa inicijativom Vijeća roditelja

Cijenjena,

Ministarstvu za obrazovanje, nauku i mlade je dostavljena informacija o stavu Upravnog odbora JU „Djeca Sarajeva“, koji je zauzet na 3. sjednici u vezi sa inicijativom, odnosno zahtjevom Vijeća roditelja JU „Djeca Sarajeva“, za refundaciju troškova naknade boravka djece u vrtićima tokm mjeseca februara 2012. godine, za vrijeme trajanja elementarne nepogode u Kantonu Sarajevo, izazvane snježnim padavinama.

U dopisu je navedeno da Upravni odbor podržava spomenutu inicijativu Vijeća roditelja, te s obzirom da je JU „Djeca Sarajeva“ budžetski korisnik, odnosno finansira se kroz sistem trezorskog poslovanja, obratili ste se Ministarstvu molbom za rješavanje ovog pitanja.

U vezi sa Vašom molbom, obavještavamo Vas sljedeće:

saglasni smo sa predloženom inicijativom Vijeća roditelja JU „Djeca Sarajeva“, koja se odnosi na rješavanje pitanja visine uplate za boravak djece u vrtićima u februaru 2012. godine, kada je zbog snježnih padavina na području Kantona Sarajevo, kao i FBiH, bilo proglašeno stanje elementarne nepogode.

S tim u vezi, potrebno je da JU „Djeca Sarajeva“ dostavi Ministarstvu prijedlog potrebnog iznosa za uplatu za februar 2012. godine, sa detaljnim obrazloženjem koje će sadržavati specifikaciju troškova koji su napravljeni u periodu kada je na snazi bilo trajanje elementarne nepogode u Kantonu Sarajevo.

Nakon što Ministarstvu bude dostavljena potrebna dokumentacija, uključićemo se u dalje aktivnosti koje se odnose na navedenu predmetnu problematiku, s ciljem prevazilaženja ovog problema i donošenje adekvatne odluke koja će biti u najboljem interesu roditelja i JU „Djeca Sarajeva“.

S poštovanjem,

MINISTAR

Prof. dr. Fahrudin Oručević

Materijal pripremila: Husić Lamija

Materijal pregledao: Fejzić Abid

